

Մամլոյ Հաղորդագրութիւն

Հ.Բ.Ը.Մ.-ը Կը Պատուէ Հէնրիի Միփարեանը Լոնտոնի Մէջ ԹՈՒՄՈՒ X Հ.Բ.Ը.Մ Կեդրոններու Ի Նպաստ Կազմակերպուած Կալա Ձեռնարկի Ընթացքին

Անմիջապէս Հրատարակութեան Համար

Աշխարհի տարբեր կողմերէն եկած հիւրերու շարքին, ձեռնարկին ներկայ էր նաեւ ոսնագնդակի Ֆրնսահայ աշխարհահռչակ աստղ Եուրի Ճորքայէֆ

Մինչ Արսենալ Ակումբի կիսապաշտպան Հէնրիի Միփարեանի երկրպագուները միշտ խուռներամ ներկայ կը գտնուին մարզադաշտէն ներս տեղի ունեցող իր մրցումներուն, անդին բազմահազար հայեր նոյնպէս, հեռատեսիլի միջոցաւ, ակնդէտ կը հետեւին իրենց սիրելի աստղին խաղերուն: Նոյեմբեր 3-ին, Միփարեանի երկրպագուներ եւ Հայկական Բարեգործական Ընդհանուր Միութեան (Հ.Բ.Ը.Մ.) բարեկամներ, հաւաքուած էին Լոնտոնի *Shp Snryէսթըր* պանդոկին մէջ, տօնախմբելու համար Հէնրիի ֆութպոլային նուաճումները, աւելին, երախտագիտութիւն յայտնելու անոր, իր մարդասիրական նախաձեռնութիւններուն համար, որոնք նիւթական միջոցներ ապահոված էին ԹՈՒՄՈՒ X Հ.Բ.Ը.Մ երկու կեդրոններու ի նպաստ:

Միփարեան ծնած է 1989-ին, Երեւան եւ մանուկ հասակէն միշտ երազած է Ֆութպոլ խաղալ: Ֆութպոլի նկատմամբ իր սերը կազմաւորուած է իր հօր, Համիլթ Միփարեանի պաճառով, որ 1980-ական թուականներուն եղած է անդամ առաջնակարգ տեղական թէ Ազգային ֆութպոլի խումբերու եւ որուն բոլոր խաղերը դիտած է ան: 17 տարեկանին, Հայաստանի մէջ երեցներու ակումբի մը մէջ խաղալ սկսելով, չորս տարի չանցած, ան արդէն հասած էր միջազգային արհեստավարժ մակարդակի: Ծնորհիւ իր անձնական կարգապահութեան, ուշիմութեան եւ տաղանդին, ան համաձայնագրեր ստորագրած է *Պորուսիա Տորթմունտ* եւ *Մէնչէսթըր Եունայթըտ* խումբերուն հետ: Ներկայիս արդէն որպէս երիտասարդութեան կուռք, ան կը խանդավառէ եւ հպարտութիւն կը ներշնչէ բազմահազար հայ մանուկներու եւ երիտասարդներու, իր օրինակելի վարքով, աշխուժութեամբ եւ հայրենասիրութեամբ: Իր արհեստավարժ կեանքի առաջին իսկ օրերէն ներգրաւուած ըլլալով մարդասիրական ծրագիրներու մէջ, ան 2016-ին *Բարեսիրական Դեսպան* նշանակուեցաւ Հայաստանի մէջ *ԵՈՒՆԻՄԷՏ*-ի (Միացեալ Ազգերու Մանուկներու Ֆոնտ) եւ ցարդ ջերմեռանդութեամբ կը գործէ այդ կազմակերպութեան հետ, կրթութեան եւ մարզական բնագաւառներու մէջ մանուկներու իրաւունքներու պաշտպանութեան եւ անոնց համար առիթներ ապահովելու ուղղութեամբ:

Կալա երեկոյթի ամբողջ տեւողութեան ուրախ եւ հաճելի մթնոլորտ կը տիրէր: Օրուան հանդիսաւարն էր Քամիլիո Ազգուզ, որ ջերմօրէն բարեգալուստ մաղթեց հիւրերուն, որոնց շարքին էր ֆրանսահայ ֆութպոլի աստղ Եուրի Ճորքայէֆ: Ազգուզ, անդամ է Հ.Բ.Ը.Մ.ի *Լանտըն Թրասթ*-ի հոգաբարձական կազմին: Ան իր խօսքին մէջ շեշտեց Հ.Բ.Ը.Մ.ի օժանդակութիւններուն եւ գործակցութեան արդիւնաւետութիւնը բազմաթիւ կարեւոր եւ կենսական նախաձեռնութիւններու, որոնց շարքին՝ ԹՈՒՄՈՒ X Հ.Բ.Ը.Մ կեդրոններու ծրագիրը:

Յատկապես այդ ծրագրի գոյառումին քաջալեր հանդիսացած եւ աջակցած էր Հ.Բ.Ը.Մ.ի Կեդրոնական Վարչական Ժողովի անդամ եւ *Էմպոր Բեփթալ* ի գլխավոր գործադիր տնօրէն Ժոզէֆ Ուդուրլեան, սատարելով նաեւ *ԹՈՒՄՈ Ստեղծարարար Ճարտարարուեստի Կեդրոններու* տարածումին:

Իր խօսքին մէջ Ժոզէֆ Ուդուրլեան մատնանշեց, թէ երեկոն առիթ կը հանդիսանար լուսարցակի տակ բերելու Հ.Բ.Ը.Մ.-ի եւ ԹՈՒՄՈ-ի գործունէութիւնը, ինչպէս նաեւ շեշտելու Հայկական ազգային ինքնութեան համար բնորոշիչ հանդիսացած իրադարձութիւններ: «Երբ կ'ապրէինք Ֆրանսայի մէջ, մեզի համար հպարտութեան բաբախուն պահեր էին 1998-ի Ֆութպոլի Միջազգային Դաշնութեան աշխարհի ախոյանութեան բաժակի աւարտական խաղերուն՝ Ֆրանսայի Ազգային Հաւաքականի եւ Եւրոպի խաղարկութիւնը եւ իրագործած յաղթանակը: Եւրոպի տաղանդին միջոցաւ, Հայութիւնը յայտնուեցաւ համաշխարհային ֆութպոլի շրջանակներէն ներս: Հիմա, անգամ մը եւս, մենք ուրախութեամբ կը ճառագայթենք, ամէն անգամ որ Միխթարեան կը յայտնուի մարզադաշտէն ներս, եւ ժողովուրդը խելահեղ կը վանկարկէ իր անունը: Միխթարեան՝ ֆութպոլի աշխարհը եւ իր միլիոնաւոր երկրպագուները իրազեկ դարձուց Հայաստանի իրականութեան: Ճորքայէֆի եւ Միխթարեանի յաջողութիւնը մեր յաջողութիւնն է, որովհետեւ երբ մեզմէ որեւէ մէկը կը յաջողի, մենք բոլորս կը յաջողինք:» Ասիկա երրորդ անգամն էր, որ Ժոզէֆ Ուդուրլեան եւ իր ազնիւ տիկինը Ժեննին, լայնասրտօրէն կը հիւրընկալէին *Հ.Բ.Ը.Մ.-ի Լոնոնի Կայա-*ն:

Անշուշտ երեկոյի ամենախանդավառ պահը նոյնինքն Միխթարեանի ժամանումն էր, երբ ան Արսէնալի խումբի մրցումէն անմիջապէս ետք, որուն մասնակցած էր, կը հասներ եւ կը բարձրանար բեմ, ստանալու համար *Հ.Բ.Ը.Մ.-ի Համաշխարհային Գերազանցութեան Մրցանակ*-ը: Խօսք առնելով ան ըսաւ. «Ես կը փափաքեմ շնորհակալութիւն յայտնել Հ.Բ.Ը.Մ.-ին, որ զիս հրաւիրեց մասնակցելու երիտասարդներու կրթութեան սատարելու նպատակով կազմակերպուած այս ձեռնարկին: Կ'ուզեմ նաեւ շնորհակալութիւն յայտնել Եւրոպիին, որ ինձի համար տիպար օրինակ հանդիսացաւ, երբ ես պատանի տարիքիս կ'երազէի արհեստավարժ ֆութպոլիսթ դառնալ: Մենք պէտք է խանդավառենք մեր երիտասարդութիւնը եւ աշխատինք անոնց համար կեանքի առիթներ ստեղծել, որպէսզի անոնք հասնին իրենց նպատակներուն: Ես խորապէս երախտապարտ կը զգամ ԵՌԻՆԻՍԷՖ-ի, Հ.Բ.Ը.Մ.-ի եւ ԹՈՒՄՈ-ի նման կազմակերպութիւններու կատարած գործին համար:»

2015-ին գոյութիւն առած ԹՈՒՄՈ X Հ.Բ.Ը.Մ կեդրոնները, արդէն իսկ իրենց դրոշմը ձգած են 3000-է աւելի պատանիներու վրայ: Այս լաւագոյն եւ նորագոյն միջոցներով օժտուած կառոյցները, անվճար կերպով տրամադրելի են եւ առիթ կ'ընձեռեն փայլուն եւ խոստմնալից երիտասարդներու, որպէսզի անոնք յայտնաբերեն եւ մշակեն իրենց տաղանդները, ձեռք բերեն թուայնական հմտութիւններ եւ դրսեւորեն իրենց ստեղծագործական կարողութիւնները: Հ.Բ.Ը.Մ.ը, կրթական նորարարութեան եւ որակաւոր ուսման իր նախաձեռնութիւններուն միջոցաւ, որոնցմէ մին է ԹՈՒՄՈ X Հ.Բ.Ը.Մ գործակցութիւնը, կը շարունակէ երիտասարդութեան լայն շրջանակներուն տրամադրելի դարձնել զարգացման տարբեր կարելիութիւններ, կազմաւորելով կրթեալ եւ հմուտ հայ նոր սերունդներ:

Իր եզրափակիչ ելոյթին մէջ Հ.Բ.Ը.Մ.-ի Նախագահ Պերճ Սեդրակեան ըսաւ. «Իւրաքանչիւր հայ սերունդ, անհրաժեշտ է որ ունենայ իր հերոսները, որոնք խորապէս գիտակցելով իրենց ինքնութեան, զայն կը բաժնեն աշխարհին եւ իրենց օրինակով կը մղեն մեզ ձգտելու կատարելութեան: Արամ Խաչատուրեանէն մինչեւ նորոգ հանգուցեալ Շարլ Ազնաւուր, միշտ այդպէս եղած է պարգան: Այսօր, մենք ունինք այս հրաշալի տիպարը մեր երիտասարդութեան համար: Հէնրիխ, դուն լաւագոյնս կը մարմնաւորես աշխարհաքաղաքացիութեան մեր պատկերացումը: Շնորհակալ ենք քեզի, որ կը շարունակես հպարտութիւն ներշնչել մեր բոլորին:»

Երեկոյի ջերմ մթնոլորտի առթած խանդավառ տրամադրութեամբ, ներկաներու սրտաբուխ նուիրատուութիւններով, իրականացաւ 230,000 ամերիկեան տոլարի հանգանակութիւն:

ԹՈՒՄՈ X Հ.Բ.Ը.Մ կեդրոններու մասին յաւելեալ տեղեկութիւններու եւ կամ այդ կեդրոններուն օժանդակելու համար, հաճեցէք այցելել agbu.org/education/tumoxagbu/ Կայքէջը:

Հայկական Բարեգործական Ընդհանուր Միությունը (Հ.Բ.Ը.Մ.) աշխարհի մեծագույն ոչ-շահամետ հայկական կազմակերպությունն է, նուիրուած հայեցի ինքնութեան եւ ժառանգութեան պահպանումին եւ մշակումին՝ կրթական, մշակութային եւ մարդասիրական ծրագիրներով: Միութեան գործունէութիւնները բարերար ազդեցութիւն կը բերեն տարեկան 500,000-է աւելի անձերու կեանքերէն ներս, Հայաստանի ու Արցախի մէջ եւ Սփիւռքի տարածքին: Իր հիմնադրութենէն ի վեր, Հ.Բ.Ը.Մ.ը հաւատարիմ մնացած է համայն հայութեան բարօրութեան ապահովումին ուղղուած իր գլխաւոր առաքելութեան: Յաւելեալ տեղեկութիւններու համար այցելեցէք www.agbu.org կայքէջը:

ԼՈՒՍԱՆԿԱՐՆԵՐ

AGBU-Nov3-Gala01.jpg: Հէնրիխ Մխիթարեան իր ընտանիքի անդամներուն եւ բարեկամներու ընկերակցութեամբ, Եւրի Ճորքայէֆի հետ, Նոյեմբեր 3-ի Լոնտոնի Կալային:

AGBU-Nov3-Gala02.jpg: Հ.Բ.Ը.Մ.ի Կեդրոնական Վարչական Ժողովի Անդամ Ժոզէֆ Ուղուրլեան, որ իր տիկնոջ Ճէննիի հետ երրորդ անգամ ըլլալով կը հիւրընկալէր Հ.Բ.Ը.Մ.-ի Լոնտոնի Կալան, կը ներկայացնէ օրուան մեծարեալ Հէնրիխ Մխիթարեանը:

AGBU-Nov3-Gala03.jpg: Ֆրանսահայ ֆութպոլիսթ Եւրի Ճորքայէֆ, ներկայ էր Մխիթարեանի հետ ԹՈՒՄՈ X Հ.Բ.Ը.Մ կեդրոններուն մասին իրազեկումի եւ անոնց ի նպաստ հանգանակութեան համար կազմակերպուած ձեռնարկին:

Յաւելեալ Տեղեկութեանց համար - Կապ

AGBU Press Office

55 East 59th Street

New York, NY 10022-1112

Phone: 212.319.6383

Email: communications@agbu.org